

Kitsinligting: NWU Meesters en Doktorale Beursskema 2019

Webadres vir aansoekvorms: <http://studies.nwu.ac.za/af/studies/beurse-en-lenings>

Die doel van die NWU Nagraadse Beursskema is om finansiële ondersteuning te bied aan nagraadse studente en om erkenning te verleen aan studente wat op akademiese gebied presteer. Die NWU nagraadse beursskema is in lyn met die strategiese doelwitte van die Universiteit soos in die Institusionele Plan uiteengesit.

NB: Slegs elektroniese aansoeke

A: NWU Meestersbeurs – Sluitingsdatum: 31 Maart 2019

Voorwaardes van die beurs:

1. Die beurs is slegs beskikbaar aan studente wat vir 'n eerste, volle voorgeskrewe nagraadse Meesters graadkursus registreer. Studente wat as geleentheidstudente geregistreer is, kwalifiseer nie.
2. Aansoek om die beurs word jaarliks op die voorgeskrewe aansoekvorm gedoen voor of op 31 Maart 2019.
3. Studente vanaf ander universiteite moet 'n akademiese rekord aanheg van die voorafgaande kwalifiserende graad.
4. Meestersgraad studente mag beurse uit meer as een bron ontvang. Daar is geen perk op die Meestersbeursbedrag nie.
5. Die beursbedrag is terugbetaalbaar indien 'n student enige van die voorwaardes nie nakom nie, studies staak of nie die kursus binne die voorgeskrewe tydperk voltooi nie.
6. Die Universiteit behou die reg, indien geregverdig deur omstandighede, om riglyne, voorwaardes en bedrae te verander sonder voorafgaande kennisgewing aan die applikant.
7. Die beurs word as volg toegeken:
 - 7.1. Om te kwalifiseer, moet aansoekers 'n minimum gemiddeld van 60% in die finale jaar modules/vakke van die voorafgaande voltooide Honneurs-graadkursus behaal het. Studente wat 'n vierjarige B-graad in BIng, BPharm, BMus en BArt et Science in Stads- en Streekbepanning verwerf het, kwalifiseer ook vir die Meestersbeurs en moet 'n gemiddeld van 60% in die voorafgaande voltooide finale jaar behaal het. Akademiese rekords van die voorafgaande kwalifiserende graad word in ag geneem met berekening van die gemiddeld. Sertifikate alleenlik is nie geldig nie.
 - 7.2. Deeltyds geregistreeerde en werkende studente kan vir 'n 50% toekenning van die beurs aansoek doen (werkende studente word omskryf as studente wat vir 'n werkgewer werk, 'n salaris verdien en waarvan werk die hoofaktiwiteit is).
 - 7.3. Die beurs geld slegs vir twee (2) jaar. R26 000 per jaar word toegeken vir voltydse studente - die totale beurswaarde oor twee jaar beloop R52 000.
 - 7.4. Studente vanaf die **tweede** jaar in die graad doen aansoek vir 'n Meesters Vorderingsbeurs: Vir die Vorderingsbeurs **moet** die voorgeskrewe Vorderingsverslag ingevul deur die Studieleier, aan die beursaansoek geheg word. Hierdie verslag dien as aanbeveling van akademiese vordering. Indien die student nie voorheen 'n Meestersbeurs ontvang het nie, moet die student die akademiese rekord van die vorige kwalifiserende graad ook aanheg sodat die gemiddeld van 60% bevestig kan word. Onvolledige aansoeke is ongeldig.
 - 7.5. In die geval waar 'n student in een jaar die Meestersgraad voltooi en direk met Doktorale studies aangaan, word R26 000 na die eerste jaar van die Doktorale studies oorgedra. Indien die student nie inskryf vir Doktorale studies nie, is die beurswaarde slegs R26 000.
 - 7.6. Beurshouers moet die Meestersgraad binne 'n grasietydperk van drie (3) jaar voltooi.

B: NWU Doktorale beurs – Sluitingsdatum: 31 Maart 2019

Voorwaardes van die beurs

1. Die beurs is slegs beskikbaar aan studente wat vir 'n eerste, volle voorgeskrewe Doktorale kursuseenheid registreer. Studente wat as geleentheidstudente geregistreer is, kwalifiseer nie.
2. Aansoek om die beurs word jaarliks op die voorgeskrewe aansoekvorm gedoen voor of op 31 Maart 2019.
3. Studente vanaf ander universiteite moet 'n akademiese rekord aanheg van die voorafgaande kwalifiserende graad.
4. Doktorale graadstudente mag beurse uit meer as een bron ontvang. Daar is geen perk op die Doktorale beursbedrag nie.
5. Die beursbedrag is terugbetaalbaar indien 'n student enige van die voorwaardes nie nakom nie, studies staak of nie die kursus binne die voorgeskrewe tydperk voltooi nie.
6. Die Universiteit behou die reg, indien geregverdig deur omstandighede, om riglyne, voorwaardes en bedrae te verander sonder voorafgaande kennisgewing aan die applikant.
7. Die beurs word as volg toegeken:
 - 7.1. Om te kwalifiseer, moet aansoekers 'n minimum gemiddeld van 60% in die finale jaar modules/vakke van die voorafgaande voltooide Meesters-graadkursus behaal het. Akademiese rekords van die voorafgaande voltooide graad moet aangeheg word. Sertifikate alleenlik is nie geldig nie.
 - 7.2. Deeltyds geregistreerde en werkende studente kan vir 'n 50% toekenning van die beurs aansoek doen (werkende studente word omskryf as studente wat vir 'n werkgewer werk, 'n salaris verdien en waarvan werk die hoofaktiwiteit is).
 - 7.3. Die beurs geld slegs vir drie (3) jaar. R28 000 per jaar word toegeken vir voltydse studente – die totale beurswaarde oor drie jaar beloop R84 000.
 - 7.4. Studente vanaf die **tweede** jaar in die graad doen aansoek vir 'n Doktorale Vorderingsbeurs: Vir die Vorderingsbeurs moet die voorgeskrewe Vorderingsverslag, ingevul deur die Studieleier, saam met die beursaansoek ingedien word. Hierdie verslag dien as aanbeveling van akademiese vordering. Indien die student nie voorheen 'n Doktorale Beurs ontvang het nie, **moet** die student die akademiese rekord van die vorige kwalifiserende graad ook aanheg sodat die gemiddeld van 60% bevestig kan word. Onvolledige aansoeke is ongeldig.
 - 7.5. Beurshouers moet die Doktorale graad in 'n grasietydperk van vyf (5) jaar voltooi.

C: NWU Nagraadse akademiese merietebeurs: 30 April 2019

WORD TANS HERSIEN: Sal spoedig gepubliseer word

Die NWU Nagraadse Akademiese Merietebeurs is aanvullend tot alle nagraadse beurse en word op grond van goeie akademiese prestasie toegeken.

1. Die beurs is slegs beskikbaar aan studente wat vir 'n eerste, volle voorgeskrewe nagraadse graadkursus registreer. Studente wat as geleentheidstudente geregistreer is, kwalifiseer nie.
2. Die beurs word slegs eenmalig in die eerste jaar van die nagraadse kursus toegeken.
3. Die Akademiese Merietebeurs vir geregistreerde studente word jaarliks outomaties bereken en toegeken. Akademiese meriete vir studente vanaf ander Universiteite word nie outomaties bereken en toegeken nie en hierdie studente moet vir die beurs op die voorgeskrewe aansoekvorm aansoek doen voor of op die sluitingsdatum soos gespesifiseer.
4. Die beursbedrag is terugbetaalbaar indien 'n student enige van die voorwaardes nie nakom nie, studies staak of nie die kursus binne die voorgeskrewe tydperk (soos voorgeskryf vir die NWU Meesters en Doktorale Beurs) voltooi nie.
5. Die Universiteit behou die reg, indien geregverdig deur omstandighede, om riglyne, voorwaardes en bedrae te verander sonder voorafgaande kennisgewing aan die applikant.

6. Die beurs word as volg toegeken:
- 6.1. Om te kwalifiseer, moet aansoekers 'n minimum gemiddeld van 75% in die finale jaar modules/vakke van die voorafgaande voltooië graadkursus behaal het. Akademiese rekords van die voorafgaande kwalifiserende graad word in ag geneem met berekening van die gemiddeld. Sertifikate alleenlik is nie geldig nie.
 - 6.2. Beurshouers moet die nagraadse kursus binne die minimum grasietydperk, soos vasgestel deur die NWU Nagraadse beursskema, voltooi.

Waardes van merietebeurs	
Gemiddeld %	Beurs R
95 - 100	5 000
90 - 94,99	4 500
85 - 89,99	4 000
80 - 84,99	3 500
75 - 79,99	3 000

Belangrik

- Studente in die **eerste** jaar van 'n graad doen aansoek vir die Meesters of Doktorale beurs. Studente moet die akademiese rekord van die voorafgaande kwalifiserende graad aanheg.
- Studente vanaf die **tweede** jaar in die graad doen aansoek vir 'n Meesters- of Doktorale vorderingsbeurs: Heg die voorgeskrewe **vorderingsverslag** aan die aansoek.
- Onvolledige aansoeke is ongeldig en kan daartoe lei dat dit afgekeur kan word.
- Die NWU-Nagraadse Beursskema en Akademiese Merietebeurs is twee **aparte** aansoeke.

Laat aansoeke sal slegs met 'n skriftelike aanbeveling van die studieleier aanvaar word.

Studente word versoek om aansoekvorms so vroeg moontlik in te handig vir tydige verwerking.

Rig beursnavrae aan u registrasiekampus: Finansiële Steundienste Kantoor		
Mafikengkampus Kereng Moalusi Tel: 018 389 2349 E-pos: MC-PostGradBurs@nwu.ac.za	Potchefstroomkampus Susan van der Westhuizen Navrae: 018 299 2672/3 E-pos: PUK-PostGradBurs@nwu.ac.za	Vaaldriehoekkampus Monica Mampone Tel: 016 910 3157 E-pos: VC-PostGradBurs@nwu.ac.za
Privaatsak X2046, Mmabatho, 2735 Gebou AF2, Kamer G07	Privaatsak X6001, Potchefstroom, 2520 Gebou F1, Navrae Toonbanke 6-12	Posbus 1174, Vanderbijlpark, 1900 Gebou 24, Beurse